



## Sumáriu Atividade Asisténsia Legál ba Vítima Violénsia Bazeia ba Jéneru Períodu Jullu 2021

### Introdusaun

Iha períodu fulan Jullu 2021, JSMP liuhusi Unidade Apoia Vítima kontinua fó assisténsia legál ba vítima feto no labarik iha Munisípiu sira mak hanesan Munisípiu, Dili, Ermera, Likisá, Maliana, Vikeke no Manufahi.

### Atividade assisténsia legál

Iha períodu fulan Jullu 2021, JSMP konsege fó assisténsia legál ba vítima violénsia bazeia ba jéneru ne'ebé hotu-hotu nu'udar vítima feto no labarik hamutuk kazu 13. Husi totál kazu ne'e, krime 8 no sivíl 5. Vítima sira ne'e mai husi munisípiu 4 (haat) mak hanesan Munisípiu Bobonaro, Ermera, Vikeke no Manufahi.

Kazu sira ne'ebé JSMP fó assisténsia legál ho tipu sira mak hanesan:

- Kazu krime : ofensa ba integridade fízika simples ho natureza violénsia doméstika 2, krime violasaun seksuál 1, krime fraude seksuál 1, krime abuzu seksuál ba menór 1, krime ameasa 1, krime abuzu seksuál ba ema ne'ebé la bele rezisté 1, krime ofensa ba integridade fízika simples 1.
- Kazu sivíl : ezersísiu podér paternál 5.

Kazu sira ne'ebé JSMP fó assisténsia legál, kazu balun JSMP hetan refere husi Polísia VPU no balun hetan keixa diretamente husi vítima sira no kazu balun JSMP hetan informasaun husi funsionáriu Ministériu Justisa.

Tabela 1 : Totál kazu assisténsia legál, Jullu 2021

Tipu kazu	Bobonaru	Dili	Ermera	Likisá	Vikeke	Manufahi	Totál
Vítima VBJ	6	0	3	0	2	2	13




Tabela 2 : Tipu kazu asisténsia legál, Jullu 2021

Tipu kazu	Númeru
Ezersísiu podér paternál	5
Ofensa ba integridade fízika simples - VD	2
Fraude seksuál	1
Violasaun seksuál	1
Abuzu seksuál ba menór	1
Ameasa	1
Abuzu seksuál ba ema ne'ebé labele reziste	1
Ofensa ba integridade fízika simples	1
<b>Totál</b>	<b>13</b>





Tabela 3<sup>1</sup> : Tipu kazu no estatus kazu sira

Tipu kazu	Númeru	Estatus kazu
Ezersísiu podér paternál	5	<ul style="list-style-type: none"> <li>Trata dokumentu iha rejistu sivíl no Igreja</li> </ul>

<sup>1</sup> Husi kazu 13 ne'e kazu 11 mak sei iha prosesu nia laran no kazu 2 seluk (krime ameasa) mak taka ona tanba dame malu ona nune'e vítima sira ba dada fali sira nia kazu.

Ofensa ba integridade fízika simples – VD	2	<ul style="list-style-type: none"> <li>▪ PRADET no filafali ba uma</li> <li>▪ PRADET no Uma Paz</li> </ul>
Fraude seksuál	1	<ul style="list-style-type: none"> <li>▪ PRADET, Fokupers no Ministériu Públiku</li> </ul>
Violasaun seksuál	1	<ul style="list-style-type: none"> <li>▪ PRADET, Fokupers no Ministériu Públiku</li> </ul>
Abuzu seksuál ba menór	1	<ul style="list-style-type: none"> <li>▪ PRADET no Fokupers</li> </ul>
Ameasa	1	<ul style="list-style-type: none"> <li>▪ Kazu ne'e taka ona iha VPU</li> </ul>
Abuzu seksuál ba ema ne'ebé labele reziste	1	<ul style="list-style-type: none"> <li>▪ PRADET no fila ba uma</li> </ul>
Ofensa ba integridade fízika simples	1	<ul style="list-style-type: none"> <li>▪ Kazu ne'e taka ona iha VPU</li> </ul>
<b>Totál</b>	<b>13</b>	

### **Deklarasaun vítima sira nian hafoin hetan asisténsia legál husi JSMP**

Iha JSMP nia dada-lia ho vítima sira nia família iha Turiskai, sira haktuir katak kontente tebes ho prezensa JSMP nian iha sira nia leet tanba durante ne'e kazu la'en abandona feen no oan barak tebes iha sira nia suku maibé komunidadé sira la hatene dalan atu lori ba iha tribunál no konsidera kazu abandona hanesan kazu bain-bain ne'ebé la presiza ba iha tribunál.

Vítima nia família ne'e mós haktuir katak nia sei hatutan informasaun sira ne'e ba nia maluk feto sira ne'ebé sira nia la'en abandona no sei kontaktu JSMP bainhira sira presiza apoia ruma. Sira mós rekomenda ba JSMP atu fahe informasaun sira kona-ba justisa formal liuhusi treinamentu ba komunidadé Postu Turiskai tanba durante ne'e laiha instituisaun ruma mak fahe informasaun kona-ba asuntu justisa.

### **Konkluzau**

Durante períodu fulan Jullu 2021, JSMP konsege fó asisténsia legál ba vítima kazu krime no sivíl hamutuk 13 kazu. Vítima husi kazu sira balun refere husi polísia VPU sira iha munisípiu, kazu balun vítima sira rasik mai keixa iha JSMP no balun hetan kontaktu husi funsionáriu husi Ministériu Justisa.

Husi totál kazu sira ne'e, kazu balun JSMP akompaña ba trata sira nia sertidaun RDTL iha Dirasaun Nasionál Rejistu Sivíl iha Ministériu Justisa no Igreja, kazu balun refere ona ba Pradet hodi halo ezaminasaun médiku iha Pradet, kazu balun refere ba Uma Mahon no kazu balun halo ona dilijénsia iha ministériu públiku. Enkuantu, kazu balun hafoin hela iha Uma Mahon vítima sira deside fila ba sira nia uma. Alende ne'e kazu rua ho tipu krime ameasa mak taka ona iha VPU tanba vítima sira dame malu ona ho arguidu nune'e sira dada fali sira nia kazu.

Atu hetan informasaun liután bele kontaktu:

Ana Paula Marçal  
Diretora Ezekutvu JSMP